

“BONEIRU MESTER TUMA ÚN POSISHON KONTRA REKOLONIALISMO”

Festivo apertura di Torneo di Beisbòl



Djamars 22 di april a tuma lugá apertura ofisial di e Torneo di Beisbòl ‘On the Corals of Bonaire’. Hopi mucha tabata presente, formando parti di e timnan ku ta den e torneo. Brasbènt The Boyz a presentá na komienso i klousura di e parti ofisial. Den e edishon aki di BONERIANO, mas informashon.



Kaminda awor 1 meter fo'i baranka

Situashon peligroso na Piedra Krus

KRALENDIJK – Den kuadro di e trabounan pa drecha kaminda di Rincon, e kontratista enkargá, òf e instansia ku ta supervisá e trabounan, a krea un situashon peligroso na altura di e baranka konosí komo 'Piedra Krus'. E kaminda awor ku a drech'é i hasié mas hanchu, ta pasa peligrosamente pegá ku e baranka aki.

Di mes kaba historia ta mostra ku desde ku a asfaltá

e kaminda aki masoméno 70 aña pasá, basta aksidente a sosodé. Inkusio outo a yega di dal den e baranka aki. Ainda por mira sikatris na e baranka aki.

BONERIANO ta komprondé ku banda di pone asfalt nobo riba e karetera, loke ta di aploudí i apresiá, a hasi e kaminda mas hanchu. I esaki a pone ku el a yega peligrosamente pegá ku e baranka, apénas na un meter di distansia.



Un speransa ku ta ta bini akshon?

Transporte grandi di kadaver di outo

KRALENDIJK

– Djárasen mainta por a tuma nota di un transporte grandi di restu di outo riba kareteranan boneriano. Den intento pa haña sa mas di e transporte aki, BONERIANO a tuma kontakto ku gerensia di Selibon, ku sinembargo a duna di konosé ku nan no tabata na altura di e

transporte aki.

E transporte di kadaver di outo, manera ta yama nan, tabata repartí riba dos treiler grandi ku a pasa riba Kaya Korona, pa despues subi Kaya Nikiboko Sùit. Pensamentu pues ku lo por tabata transportando e restunan di outo aki pa e área di Santa Clara, na unda tin un sitio destiná pa

pone nan.

E problema di kadaver di outo a bira un problema grandi na Boneiru, sin ku Toezicht en Handhaving (T&H) ta bini ku akshon konkreto. E transporte señalá riba kareteranan boneriano ayera ta reflehá kisas speransa ku lo bini akshonnan konkreto di parti gobièrnu?





Lamentablemente, alabes tristu, ku tin hende ta husga konosementu di otro hende na kon bon òf malu nan ta papia idiomanan ingles òf hulandes. Esta komo sifuera ta nan abilidad pa papia e idiomanan ei ta hasi nan mas sabí i inteligente ku otro. Nan ta kreando un persepshon **KOMPLETAMENTE** robes. No ta e echo ku bo no ta dominá hulandes òf ingles ta hasi bo bobo. Meskos ku no ta e echo ku bo tá dominá ingles òf ingles ta hasi bo sabí.

Durante mi karera komo entrevistadó di hende pa Herensia i otro programanan di radio òf televishon mi a topa ku hende grandi ku práktikamente no por a papia hulandes, simplemente pasobra nan no a haña suficiente oportunidat pa haña siñansa na skol manera ta e kaso awendia. Tantu mucha hòmer komo mucha muhé no tabata yega ni 'vierde klas', pasobra nan mester a bai traha pa yuda trese pan riba mesa. Pero lo bo keda sorprendé kuantu sabiduria algun dje hendenan aki a akumulá durante nan bida.

Tin algun di e hendenan ku a bira genio, ingeniero i dòkter sin papel, pero ku un sabiduria enorme. Mi a konosé por ehèmpel Laurens (Lènchi) Felida. Un persona ku mi ta sigur ku si el a haña skol, lo a bira un ingeniero. I no ku título di 'ing', sino di 'ir.' Asina bon e mener aki tabata riba hopi tereno, hinkando su mes aparatonan den otro. Un inventor asta ku por a traha perfume ku flor di huku, ku a traha maishin pa mula maishi ku un motor di outo. I asina mi a topa ku hopi mas.

Pero Lènchi i tur e hopi otroan a bai universidat di kaya, kunuku i laman. Nan a siña hopi mas ku tur e akadèmikonan ku ta kana hunga sabí meimei di nos. Mi ta purba hasi uso di mi influensia den FuHiKuBo pa trese loke mi ta konsiderá e sabionan real di Boneiru dilanti den e programanan Herensia, Aki Boneiru i awor tambe pa laga nan tene charla. Esun promé pa tene charla tabata Rudsel Mercelina. Mas lo bini dilanti.

Konsehal Daisy Coffie ta trese fuertemente dilanti:

“BONEIRU MESTER TUMA ÒN POSISHON KONTRA REKOLONIALISMO”

KRALENDIJK- Desiree (Daisy) Coffie, kende ta konsehal pa frakshon M21 fuertemente ta desaprobá ekspreshonnan kolonial di miembro di Tweede Kamer Thierry Baudet. Na mesun momentu e ta alertá pa e pensamentu di Baudet. “En todo kaso, nos a ser atvertí i aki tambe ta konta ku un hòmer atvertí ta konta pa dos.” Esaki Coffie a skirbi den un karta ku el a manda djaluna 22 di aprel pa Konseho Insular i Kolegio Ehekutivo.

Awor Coffie a tuma e iniciativa i a proponé pa yama un reunion adishonal 13 di mei próksimo pa

asina atendé e situashon aki debidamente. Bon mirá, Coffie ke pa Boneiru tuma un posishon konhunto den e asunto aki. Tambe e ke involukrá Saba i Statia den esaki.

Mester menshoná ku no ta promé bia ku ekspreshonnan di Baudet ta sòru pa konsternashon. E lider di Forum pa Demokrasia ta basta kontroversial i na vários okashon el a sòru pa inkietut. Asta riba medionan sosial e ta ekspresá su opinionnan kontroversial. Esaki ta pone ku tin un grupo di hende ku ta kategoris’é


komo un rasista. Miéntas otroan ta mir’é komo un strea polítiko.

Ekspreshonnan preokupante

E ekspreshonnan di Baudet ta motibu pa Coffie bati alarma. “Resumiendo, ta nifiká ku e tin e pensamentu pa rekolonialisá nos islanan i bolbe engrandesé Hulanda.” Coffie ta trese dilanti ku básikamente Baudet ke hasi su mes doño di e islanan pa interes ekonómiko di Hulanda. Tambe ke krea teritorionan manera un paraiso pa atraé penshonadonan hulandes oropeo. Mas aleu den e karta Coffie ta splika ku e strategia proponé pa Baudet, ta pa realisá e aneksashon ku imigrashon masivo di hulandes oropeo potensialmente riku, pa asina nan forma e mayoria di e poblashon. Di e manera aki por kue e islanan na un manera pasífiko. Pues ta bolbe kolonialisá islanan pero no na un manera agresivo. Pero pa medio di imigrashon i invershonnan supstansial ku konsekuensia

ku no por para influensia den i riba polítika.

Sigur ta interesante pa sa e posishon di Kolegio Insular i Kolegio Ehekutivo den henter e asunto aki. Nan ta kompartí e preokupashon di Coffie? Boneiru lo tuma un posishon i atendé formalmente ku ekspreshonnan di Baudet? Tur kos ta indiká ku pueblo lo haña e kontestanan 13 di mei próksimo.



Pronóstiko di tempu pa Boneiru



Djárason 23 te Djaweps 24 April 2025
Parsialmente te hopi nublá ku algun áwaseru, posiblemente ku mal tempu

Parsialmente te hopi nublá ku algun áwaseru, mañan posiblemente ku mal tempu. E temperatura máksimo lo ta aproksimadamente 31°C, e temperatura mínimo mas o ménos 26°C. Bientu for di direkshon entre ost i nortost ta moderá, forsa 3-4.
Altura di ola: aproksimadamente 1.5-2.0 m (4-6 pia) ku lo disminuí 1.0-1.5 m (304 pia).

* Altura di ola válido pa laman grandi

Yuda nos tene nos playanan limpi



www.extraboneiru.com

INVITASHON

"Un sonrisa ta e lus den bentana di bo alma"

Despues di un aña e lus ta bria ketu bai den nos kurason. Nos, yunan, nietunan i demas famia di nos kerida



Ines M Martis-Thodé

konosí komo Machi Ines

ta invitá bo na un santu sakrifisio di misa rekordando su promé aña for di e mundu aki, na parokia di Coromoto- Antriol, djasabra 26 aprel 2025 pa 7:30 anochi.

Aseptá esaki komo un invitashon personal.

HUSTISIA



Despues di 2 aña:

Ministerio Públiko ta persigui hòmer ku a bati su pareha

K R A L E N D I J K - Ministerio Públiko (OM) a demostrá ku Hustisia no ta drumi, no opstante ku tempu a pasa. Despues di 2 aña OM a akusá e hòmer Sigmar A.S. (45) di a maltratá su pareha. Abogado Edward Winkel a defendé e akusado miéntras

fiskal Laura Stroink a representá OM.

Pa e echo kastigabel aki Sigmar a sinta 7 dia den kuadro di aresto preventivo. Despues a suspendé esaki bou di kondishon ku e mester sigui supervishon di Reclassering i tambe prohibishon di kontakto

ku e víktima. Sinembargo nunca esaki a sosodé. Fiskal a splika ku na momentu el a pidi Reclassering informashon konserní e kaso, e no a haña esaki pasombra Reclassering no tabata ni na haltura di e kaso.

Mientrastantu e akusado

i e víktima a sigui ku e relashon amoroso i ta biba huntu.

Kiko a pasa?

Segun e dosié penal 15 di yúli 2023 e pareha i su prima a bai sali i nan a yega kas hopi lat. E pareha no por a drenta den kamber pues el a bai drumi huntu ku su prima den otro kamber. Dado momentu e akusado a drenta den e kamber i bisa “kiko ta pasando” i tambe a indiká na e víktima ku esaki mester bai kuné den e otro kamber.

Segun deklarashon di e víktima, den e kamber e akusado a maltrat’é. El a dal e ku moketa den su kara, el a ranka su kabei, bent’é riba kama bati ront su kurpa ku moketa. El a

ten’é na su garganta i trata na chok’é. Den e dosié tin un deklarashon médiko konserní e leshonnan di e víktima. Tambe tin potretan ku ta mustra e grado di leshon.

E akusado ta ninga mayoria akusashon. “Un wanta mi a dal e”, el a bisa.

Sinembargo hues Groenendaal a haña e akusashon probá. Ta un echo serio pero hues a tene kuenta ku mientrastantu dos aña a pasa. Korte den Promé Instansia a kondená Sigmar A.S. na un kastigu di prizòn di 14 dia di kual 7 dia kondishonal ku un periodo di prueba di 1 aña.

Ámbos Partido a tuma distansia di nan derechi pa apelá. E veredikto ta irevokabel.



Shofùr fuma ta haña un chèns mas serka hues

K R A L E N D I J K - Bon mirá, hues Groenendaal a duna e hòmer Gilbert C. di 67 aña di edat un chèns mas. Gilbert tin 2 kondena pa kore outo bou di influensia di alkohòl.

E promé biá Korte a kondené na un but di 850 dòler. Tambe a retené su reibeweis pa 240 dia, di kua 137 kondishonal. Pues e dianan kondishonal a keda kologá riba su kabes.

Sinembargo un luna

despues polis a bolbe gara Gilbert koriendo outo bou di influensia di alkohòl. Pa esaki Korte a kondené na un but di 750 dòler i a retené su reibeweis pa 8 luna.

Awor Ministerio Públiko ta pidi hues pa ehikutá e kastigu kondishonal. Pues pa bolbe retené Gilbert su reibeweis pa 137 dia.

Gilbert na su turno a boga hues pa no kita su reibeweis. Resientemente

a debolb’é su reibeweis i ku esaki e ta gana su pan di kada dia.


Pa fiskal mester ta bon kla ku Gilbert ya a haña un chèns kaba. I e tabata sa e riesgo di kore outo bou di influensia di alkohòl.

Pa abogado defensor Edward Winkel, no por wak e kaso manera pretu ku blanku. “Bo por bisa un hende ku e kos ta kastigabel. Pero el a komprondé?”, e abogado

a bisa. El a boga hues pa un chèns mas pa su kliente.

Huesakaiparsialmente na pena di Gilbert. Korte

den Promé Instansia a disidí pa retené reibeweis di Gilbert C. pa 2 luna enbes di 4,5 luna.



**SIBO
TA STÛRA!
NO BEBE!!**

Nombramentu na TCB i límite di influensia polítiko

Pa: Drs Willem A. Cecilia

K R A L E N D I J K - Últimamente, nos a wak dos situashon preokupante den manera ku polítika ta mete su mes den asuntunan ku no ta su kompetensia. Promé tabata un deklarashon di konsehal Rolanda H e l l b u r g - M a k a a i (Demokrat), ku a bisa durante un entrevista (mira korant Boneriano 22 di april '25, pag. 2) ku nombramentu di e direktor nobo di Tourism Corporation Bonaire (TCB) “ta praktikamente kla i ku koalishon kompletu ta pará tras di e desishon”. Ni un siman promé konsehal Daisy Coffie (M21), tambe miembro di koalishon, a sali ku un deklarashon ku gobièrnu lo paga debe ku TCB tin, i ku asina e problema ku aerolínea i turismo ta resolvé.

E deklarashonnan aki ta parse inosente na promé bista, pero nan ta toka na e fundeshi di bon gobernashon: e separashon entre polítika i un gobernashon profeshonal. Ora un miembro di konseho insular, ku ta pertenesé na e poder di kontrol, papia públikamente tokante un proseso di nombramentu ku ta pertenesé na un otro nivel di gobièrnu, den esaki e hunta di Komisarionan di TCB i e kolegio ehekutivo den su ròl di akshonista, e separashon ei ta wòrdu tachá.

Si por a papia den kaso aki ku e lenga a slep, por bisa OK, e biaha aki ta laga esaki pasa. Pero ménos di un siman promé, un otro miembro di koalishon ku ta sra. Daisy Coffie (M21),

tambe a bin dilanti ku un mensahe ku formalmente ta kai pafó di su ròl di miembro di konseho insular. Coffie a deklará públikamente ku e entidat di TCB. Segun e, esaki pa evitá un peliger pa e sektor turístiko. El a papia tokante akuerdonan ku a wòrdu hasí, tokante garantianan ku tabata prohibí pa lei, i tokante pagonan ku lo wòrdu hasí na nòmber di gobièrnu. Unda e diputado mes a keda, hopi lo a puntra nan mes.

Etonodisudeklarashon a duna e impreshon ku e tabata papia na nòmber di Kolegio Ehekutivo, òf pió, splikando desishonnan di kua e no tabata formalmente forma parti di dje. Un miembro di konseho insular no ta papia na nòmber di e konseho ehekutivo, meskos ku un partido di koalishon no mag di anunsiá e resultado di e prosedura di selekshon pa un direktor na un kompania di gobièrnu.

E deklarashonnan konsekutivo aki di dos miembro di koalishon no ta un kasualidat. Nan ta mostra riba un patronchi di interferensia polítiko den prosesonan ehekutivo. Esei ta sumamente preokupante. No solamente esaki ta bruha e divishon di ròlnan entre gobernashon i supervishon, e ta mina tambe e profeshonalismo dieaparato gubernamental i di institutonan manera TCB.

Nombramentunan,

pagonan, garantianan: esakinan no ta trofeonan polítiko, pero asuntunan someté na proseduranan i reglanan formal. Asina ku miembronan di koalishon ta reklamá òf splika e dosiéenan an aki públikamente, e imágen ta surgi di un sistema polítiko den kua poder ta mas importante ku integridat, i kaminda transparensia ta supordiná na interesnan di partido.

Bon gobernashon ta rekerí klaridat di ròl. E gobièrnu mester ta profeshonal i di konfiansa, specialmente den komunidatnan chikí manera esun di Boneiru. Miembronan di koalishon por ekspresá nan punto di bista polítiko, pero nan no mag papia òf aktua komo si fuera ta nan ta e gobièrnu. Al fin i al kabo, e lei ta hasi un distinshon hopi kla entre e podernan di supervishon i ehekutivo. E separashon aki no t’ei por nada.

D e k l a r a s h o n n a n manera esakinan ta krea

un kultura di maneho den kua relashonnan polítiko partidista ta mas importante ku e lei i reglanan alkaso. Esaki ta un kaminda peligroso ku ta mina mas ainda e konfiansa di siudadanonan den gobernashon.

Ban spera ku e situashon aki sirbi komo un wake-up call pa polítikonan ounke nos tin nos duda. Loke Boneiru mester ta un kultura di gobernashon basá riba transparensia, rèspèt pa prosedimentu, i integridat di ámtenar i funshonarionan. I mas ku tur kos: polítikonan ku mester komprondé ku nan no por disidí tur kos. Solamente e ora ei lo tin espasio pa gobernashon madurá, stabil i kreibel – algu ku nos komunidat desesperadamente mester di dje. Ki dia e falta di madures polítiko aki lo stòp? Tantu baimentu di Hulanda, tantu kurso, aparentemente nada no ta yuda.



Ruiz Sanchez Clean & Construction
De Santa Kapsalon Boutique B.V.
 ta buska
-2 timmerman -2 kapster
 Pa mas inf. por yama
795-1690

Yuda nos tene nos playanan limpi



èxtra
...number 1

www.extraboneiru.com

POLÍTICA

Nashonnan Uní ta aploudí delegashon Boneriano pa eksponé opreshon Hulandes

New York/KRALENDIJK— Den un momentu históriko pa e pueblo di Boneiru, James Finies, Lider di Pueblo Progresivo Uní, a liderá un delegashon di sosiedat sivil na e sede di Nashonnan Uní na New York. Pa promé biaha den historia di Boneiru un bishita manera esaki a tuma lugá

Huntu ku Finies tabatin Davika Vicky Bissessar, Presidente di Bonaire Human Rights Organization, i lidernan prominente di e grupo Muhernan Fuerte di Pueblo Progresivo Uní: Phenice Frans-Piar i Joseline Thielman. Durante seis dia, e delegashon a partisipá den un seri di aktividatnan importante di Nashonnan



Uní, elevá e bos di pueblo Boneriano na e plataforma internashonal i pone atenshon riba problemanan struktural ku ta afektá derechonan humano despues di 10-10-10. Un di e tema prinsipal ku e delegashon a pone énfasis riba tabata e situashon preokupante

den edukashon na Boneiru, kaminda ta imponé i fòrsa Hulandes komo idioma di instrukshon ku a mina éksito di studiantenan. Mayoria di mucha ta lanta ku Papiamentu, i e barera lingwístiko ta kontribuí na rendimentu akadémiko bou di nivel,

hopi “dropout” i pone nos identidat kultural disminuí i desaparesé.

"Esaki no ta solamente un asunto di idioma—esaki ta un asunto di derecho humano," asina Davika Bissessar a bisa. "Nos muchanan tin derecho humano pa siña den nan idioma materno i pa desaroyá ku éksito sin eliminá nan identidat i herensia kultural." E delegashon Boneriano a tene vários enkuentro importante ku figuranan haltu di Nashonnan Uní.

Joseline Thielman a deklará: “Komo un mama i un polis ku 30 aña di servisio, mi ta sin poder pa protehá nos muchanan kontra diskriminashon i opreshon den skolnan kontrolá pa Hulanda. Despues ku mi regresá Boneiru, mi ta sintí ku mi ta haña fe bèk den humanidat” Phenice Frans-Piar, a denunsiá e sistema di edukashon ku Hulanda a imponé komo un arma moderno di kolonisashon mental. I a demanda derecho di mayornan pa eduká nan yunan den espíritu di nan herensia, identidat i libertat. Un momentu históriko ku pa semper lo keda grabá tabata durante e Asamblea General. Dr. June Soomer, Presidente saliente di e

Foro Permanente riba Hendenan di Desendensia Afrikano a ekspresá públikamente na mundu kompletu su gratitut na e delegashon di Boneiru spesífikamente pa e trabounan importante ku nan ta hasiendo pa pueblo Boneriano i otro teritorionan kolonisá. Su rekonosimentu ta un aprobashon poderoso di e preokupashonnan ku a wòrdu trese dilanti pa e delegashon Boneriano, i a pone énfasis riba e importansia global di lucha Boneriano.

“E reunionnan aki i e rekonosimentu ta prueba ku mundu awor ta skuchando,” James Finies a bisa riba e dia históriko aki ku ta marka nan di 755 dia den eksterior di mishon i lucha pa konsenshi internashonal. “Nos a presentá e bèrdat di e lucha di Boneiru pa hustisia, dignidat, i outodeterminashon—i nos no lo para te ku e derechonan humano i dignidat di nos pueblo wòrdu respetá.” E bishita ta un momento markante pa e pueblo nativo di Boneiru i un yamada pa akshon na komunidad internashonal pa sostené derechonan di outodeterminashon, edukashonal i kultural di e pueblo Boneriano.



Inflashon ta subi na Boneiru i Saba i ta baha na Sint Eustatius

KRALENDIJK—Den e promé kuartal di 2025, produkto i servisio di konsumo na Boneiru tabata 5.5 porshento mas karu ku un aña anterior. Den e di kuater kuartal di 2024, inflashon tabata 1.8 porshento ainda. Asina Ofisina Sentral di estadística (CBS) ta informá a base di e índise di preis di konsumidó pa Hulanda Karibense.

Na Sint Eustatius, preisnan tabata 2.2 porshento mas haltu riba base anual den e promé kuartal di 2025, mientras ku inflashon tabata 3.4 porshento den e di kuater kuartal di 2024. Inflashon na Saba tabata 4.8 porshento den e promé kuartal di 2025. Un kuartal anterior na esaki, inflashon tabata 3.3 porshento.

Preisnan na Boneiru 3.8 porshento mas haltu kompará ku e kuartal anterior

Preisnan na Boneiru a subi ku 3.8 porshento den e promé kuartal kompará ku e di kuater kuartal di 2024. E oumento aki ta parsialmente kousá pa e gastunan di bibienda, awa i energia. Por ehèmpel, e suministro di awa a bira 47.4 porshento mas karu kompará ku e di kuater kuartal di 2024 debí na un oumento di preis den e tarifa fiho. Preis di koriente tambe a subi ku 22.0 porshento, for di yanüari 2025 no tabatin supsidio mas riba gastunan fiho. Finalmente, preis di paña i sapatu tambe a subi ku 3.9 porshento, prinsipalmente debí na un oumento di preis di paña i sapatu pa hende muhé.

Di otro banda, transporte a bira mas barata den e promé kuartal kompará ku e di kuater kuartal. Por ehèmpel, e preis di gasolin a baha ku 6.7 porshento kompará ku e kuartal anterior, i e preis di diesel ku 7.0 porshento.

Preisnan na Sint Eustatius 0.1 porshento mas abou ku e kuartal anterior

Na Sint Eustatius, preisnan di konsumidó a baha ku 0.1 porshento den e promé kuartal di 2025 kompará ku e di kuater kuartal di 2024. Koriente a bira 3.8 porshento mas barata apesar di e terminashon di e supsidio riba e tarifa fiho for di 1 di yanüari 2025. E kousa di bahada di preis di koriente ta debí na un bahada di preis di e tarifa variabel. Transporte tambe a bira 4.7 porshento mas barata. Esaki ta pa gran parti pasobra ticketnan di avion a bira mas barata.

Awa tabata 34.8 porshento mas karu ku e kuartal anterior. Esaki ta debí na un oumento di preis den e tarifa variabel pa awa di pipa, i tanki di awa tambe a bira mas karu. Preis pa rekreashon i kultura a subi ku 5.4 porshento e kuartal aki, prinsipalmente

debí na oumento di preis pa servisio di streaming. Paña i sapatu a subi ku 2.1 porshento den preis, prinsipalmente debí na oumento di preis den paña di hende muhé.

Preisnan na Saba a subi ku 2.1 porshento for di e kuartal anterior

Na Saba, preisnan a subi ku 2.1 porshento den e promé kuartal di 2025 kompará ku e di kuater kuartal di 2024. Koriente tabata 36.0 porshento mas karu ku último kuartal debí na e terminashon di e supsidio riba e tarifa fiho te ku 1 di yanüari 2025. Preis di paña tambe a subi ku 38 porshento kompará ku e di kuater kuartal di 2024. Finalmente, gastunan di kuido di salú tambe a musta un oumento di preis di 4.4 porshento. Esaki tabata prinsipalmente debí na e tarifanan dental mas haltu.

Di otro banda, preis di edukashon i transporte a baha den e promé kuartal di 2025.

Por ehèmpel, preis di gasolin i diesel tur dos a baha ku 4.7 porshento kompará ku e kuartal anterior.


Sifranan preliminar

E sifranan pa e promé kuartal di 2025 ta preliminar i lo finalisá esakinan na momentu di publikashon di e sifranan pa e di dos kuartal di 2025.

A ahustá e sifranan preliminar pa e di kuater kuartal di 2024. Pa Sint Eustatius esaki ta konserní e gruponan di produkto rekreashon i kultura i vários produkto i servisio. Pa Saba, esaki ta REGARDÁ e gruponan di produkto bibienda, awa i energia i varios produkto i servisio. A base di informashon risibí posteriormente a hasi e ahustenan aki. Banda di esaki tin kambionan den e índise pa hóreka pa Saba, pa motibu di kambionan ku ta resultá for di e analisis final i prosesamentu di dato.


Inflashon, Hulanda Karibense

Kambio di % di e CPI kompará ku aña anterior



Índise di preis di konsumidó (CPI), Hulanda Karibense

2017 = 100



Partisipashon Seramentu di kaya



Pa motibu di **"Topa mi den Cocorobi"**, dia **28 di april 2025** for di **17:00 or** te ku **03:00 or** e siguiente kaya ta temporalmente será pa tráfiiko:

- **Kaya Bototé (Cocorobí):** for di Kaya Luis Pourier te ku Kaya Ramon B. Goeloe

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber
J.R.E. Soliano

Sekretario Insular
mr. C.J.L. Frans




èxtra
...number 1

Arthur Sealy ta boga pa:

Mas kontenido na promé di yüli

KRALENDIJK -- rasismo i diskriminashon den komunidad boneriano, segun Arthur Sealy. Sealy ta splika den un komunikado: “Ripitishon di pasado ta trese solamente rabia, odio, vengansa, prehuisio kontra Hulanda i trouma. Laga nos no papia só, pero aktua, dunando honor i partisipashon na desendientenan, tantu di esnan hasí katibu komo di e doñonan di katibu.



Esaki ta kuadra ku pensamentu di Grupo di Diálogo ku ta, diskulpa i pordon, manera Rei Willem a enfatisá.”

Di akuerdo ku Arthur Sealy, den kuadro di konsientisashon ta idea di artistanan pa medio di por ehèmpel e pelíkula tokante Rincon, kantikanan di Kanto Orkidia tokante sklabilitut, di Tutti Frutti manera “Kas di Bara” i “Kòrtadó di sentebibu” e poema “Keho di Katibu” di PierreLauffer, tradusí na hulandes titulá “De Slaaf” pa e boneriano Nicolaas “Colá” Debrot, ta pone un spil dilanti komunidad pa dal stapnan pa bai dilanti. “Un inovashon nobo ku maestronan di seremonia ku no ta esnan tradishonal. Un podio dòrná ku blas di tur koló, ku ta mostra riba e komunidad multikultural i union sin rasismo i diskriminashon. Laga Gezaghèber i Representante di Reino papia riba e tópiko di diskriminashon, sigui pa presentashon di e poesia, Keho di Katibu,

presentashon di grupo Tutti Frutti i grupo di Hòfi kultural i klousurá ku “Kòrtadó di sentebibu”.

Segun Sealy, ta mas ku klaro ku mester paga maestro òf maestra di seremonia, e gruponan i e deklamadó.

No ku un chipichipi, pa motibu ku tin 5.5 mion

netamente pa gruponan sosial ku ta traha riba konsientisashon di kontinuashon di sklabilitut den nos komunidad. Di e forma aki desendientenan di esnan hasí katibu tambe ta bini na remarke. Gobièrnu tin e tarea di fasilitá i no politisá sklabilitut.

èxtra
...number 1

ESFUERSO HUMANO SIN DIOS

Si SEÑOR no traha e kas, ta en bano esnan ku ta trah'é ta traha kansa kurpa; si SEÑOR no warda e stat, ta en bano e guardia ta keda lantá. Lo no sirbibo di nada pa lanta tempran, pa keda lantá te lat, pa kome pan di amargura, pasobra ta E ta proveé pa Su stimá den su soño. Salmo 127:1-2(BS)

Den bida nos tur ta deseá na studia, haña trabou, forma famia, i progresá den bida. Nos ta deseá pa nos isla ta sigur kaminda hustisia ta reina i e partinan sosial ta bon atendé.

Pero awe mi ke pa bo pensa un ratu riba e versíkulonan ariba, nan tin un mensahe partikular. E salmista ta enfatisá ku ousensia di Dios den trahamentu di kas, lanta famia, protekshon di un pueblo, lo ta en bano.

Tur bo esfuerso hasí, si e no ta kompañá pa e presensia di Dios, lo ta un trahamentu duru sin satisfakshon. Yega na bo propiedat, traha duru, plania famia no ta e punto akí, nan ta sano, honorabel, ma aki ta kuestioná bo esfuerso sin Dios.

E Skritura ta usa e palabra en bano, esaki ta nifiká bashí, sin balor. Den versíkulo 2 e ta deskribí un persona ku ta traha duru hasi hopi sakrifisio pa bienestar di su famia pero nan ta en bano.

Para ketu un ratu i analisá bo situashon, kiko bo ta konstruyendo? Bo bida, kas, famia, futuro, legado? No sigui mas den bo propio forsa ku ta produsí kansansio, trabou sin fruta, i ta laga bo insatisfecho. Mi ta invitá bo pa involukrá Dios awe mes den bo plannan i aktividatnan, i eksperensiá e satisfakshon di bo trabou aki riba tera.

No tin nada mas dushi ku tin e aprobashon di Dios den tur loke bo ta hasi.

Randolf Paula
Produkshon PGM

Programanan di Bonaire.tv

TELBO kanal 70
Flamingo TV kanal 23

Djaweps 24 april 2025

12.00 Herensia:	Helena Evarelia (Lelia) Nicolaas-Soliana 2019 BON
13.00 Aki Boneiru:	Alexandra van Huffelen
14.00 Herensia Siglo 20:	Johannes Muriël de Jongh
15.00 BAPA:	Nando Domacasse
16.00 Herensia:	Rigney Cicario (Choll) Felisia
17.00 Dokumental:	Simadan di Shon Cain
18.00 Herensia Siglo 20:	Hector Daal
19.00 BAPA:	Minarienne Pikerie
20.00 Herensia:	Harold Martina
21.00 Aki Boneiru:	Alexander Stagl
22.00 Herensia Siglo 20:	Mariana Julieta Clarinda
23.00 BAPA:	Melly Bergland



Tur mèrdia 12'or ta kuminsá un programashon nobo di 4 ora. E programashon aki ta ripiti pa 24:00.

PÁGINA SOCIAL

Famia di Noruega fasiná pa Onima

KRALENDIJK – Famia fasiná pa Onima. Aña pasá tabata na Boneiru i nan a Nygaard di Noruega ta Annikken i Anne Sofie pidi pa haña un kaminata



edukativo den área di Onima, bou di guia di Bòl Antoin di FuHiKuBo. Nan a keda asina bou di impreshon di e historia, kultura i naturalesa di e área, ku nan a disidí di bishitá Onima atrobe, pero e biá aki huntu ku nan mayornan Jens i Anita Nygaard.

Djaluna último nan a bai primeramente ruina di e kas di vitó di Onima, ku pegá kuné e restunan di e kushina di sentebibu, un dje produktonan importante ku

e anterior plantashi tabata produsí, banda di karbon i krio di kabritu.

E parti mas importante di plantashi Onima sin duda sinembargo tabata su dam, na unda tabatin plantashon grandi di patia, melon, pampuna i otro frutanan di ranka.

E dam di Onima, konsiderá komoe esun mas grandi di Boneiru, awendia ta un sitio ku ta atraé hopi para di awa, manera patu i flamingo.



Kooyman

27 di April

Bon kun'é

Bin kanta 'Bon Kun'é' na dia di Antriol i gana premionan atraktivo di Kooyman.

Orario
12 PM - 3 PM

Lugá
Parke Fransisco Chiku Goeloe.

Registrá grátis na
kooymanbv.com/events

kooymanbv.com



Na Tranké parsial estrená

K R A L E N D I J K — Djamars 22 di aprel a estrená e pelíkula pa Dia di Rincon na Cocari.

Sendion Balentin ku ta na kabes di e pelíkula, a kontá ku un luna pasá, el a yega na e idea pa traha e pelíkula. Promé persona ku el a aserká tabata Diana Kroon-Janga, pa papia tokante e idea. Un bes Diana a tuma den, pa karga e idea di Sendion. Nan a kontá ku riba página di FUHIKUBO, a haña informashon pa konstruí e

pelíkula. Ku hopi trabou di dia i anochi, a logra terminá e pelíkula. Di e manera aki ta trese algu di kalidat, pasobra Boneiru mes tin hende a hasié, Sendion a bisa. “No ta ami so a pone e pelíkula aki bira realidat. Ta un tim a traha pa logra i mi ta masha kontentu ku tur ku a forma parti di e grabashonnan.

Kuarenta persona a tuma parti na e proyekto.

E persona ku tin e ròl prinsipal ta e konosido El Gran Tiri.



Na Kaminda Pa Dia di Rincon

A presentá e anochi e aktornan i nan a konta nan eksperensia di e pelíkula.

Tambe a presentá pa medio di un video, un diskurso di Broer Janga (†) di pasado.

Esaki pa ilustrá e meta i importansia pa rekordá pasado. Esei tabata meta di e defuntu.

Diana a bisa: "Mester di mas hende pa engrandesé. Ban demostrá e kos di pasado. Ban pasa esaki pa nos hóbennan. Ban rekordá i trese na mundu kompletu, kon nos hendenan a biba ántes." Loke nan a pasa e anochi riba pantaya, ta e primisia di Na Tranké.




Komo konsekuensi di tromboembolismo pulmonar

Famoso kòki hulandes Jonnie Boer a fayesé na Boneiru

K R A L E N D I J K a konfirmá morto di un estableimentu nan yunan Jimmie (24) i den sektor di restaurant di restaurant indones Isabelle (21) a birapartner na Hulanda. Meskos ta Senang, tambe na Punt den e empresa di hóreka konta pa Nelson Tanate, Vierkant. Mientrastantu di e pareha mas famá shèfkòk di Librije.

E morto inesperá di Jonnie Boer a kousa hopi fèdrít den su famia, tambe konsternashon den mundu kulinario hulandes, kaminda huntu ku su esposa el a krea un kadena di restaurant renombrá. E kushina di Jonnie Boer tabata un ehèmpel i skol pa henter Hulanda gastronómiko. Hopi kòki ku a bira famoso despues a kuminsá na su restaurant Librije (***) na Zwolle.

Jonnie Boer tabata na Boneiru último dianan. Na un hotèl lokal den área di Belnem (Punt Vierkant 44) ta establese dos restaurant di e kadena di Brass Boer. Huntu ku su esposa Thérèse, Jonnie tabata doño di e restaurant aki. Na yanüari último Jonnie Boer a selebrá 60 aña di edat. E bosero ku na nòmber di su esposa banda di Brass Boer



FUNDASHON CAS BONAIRIANO

Aankondiging Voorselectie - Nieuwbouw Utiliteitsgebouw Mental Health Caribbean.

Fundashon Cas Bonairiano (FCB) nodigt belangstellende partijen uit zich aan te melden voor de voorselectie ten behoeve van een openbare aanbesteding voor de realisatie van een nieuw utiliteitsgebouw voor MHC (Mental Health Caribbean). De opdracht betreft de turn-key bouw van een duurzaam en toekomstbestendig gebouw van circa 450 m² (voetprint) verdeeld over twee bouwlagen.

1. Projectomschrijving

Het nieuw te realiseren gebouw zal voorzien zijn van moderne faciliteiten, met nadruk op:

- Functionele indeling
- Energiezuinige installaties
- Kwalitatieve en tijdige uitvoering

2. Procedure

De aanbesteding vindt plaats via een voorselectietraject. Alleen partijen die voldoen aan de selectiecriteria worden uitgenodigd voor de gunningsfase.

3. Selectiecriteria

De beoordeling vindt plaats op basis van onderstaande minimeisen:

a. Technische en organisatorische bekwaamheid

- Referentieprojecten: Minimaal twee projecten van utiliteitsbouw, gerealiseerd in de afgelopen 5 jaar, met een minimale omvang van 400 m². Graag voorzien van contactgegevens van opdrachtgevers.
- Minimaal één en bij voorkeur twee van deze projecten dienen een aanneemsom van ten minste \$1.000.000 te hebben.
- Optioneel: Mogelijkheid tot locatiebezoek van gerealiseerde projecten.

b. Financiële draagkracht

- Bankverklaring: Capaciteit tot het stellen van een bankgarantie van 10% van het totale projectbudget.
- Belastingverklaring: Verklaring van de Belastingdienst waaruit blijkt dat geen belastingsschulden bestaan.

c. Kwaliteits- en risicobeheersing

- Documentatie van eerder succesvol afgeronde projecten binnen planning, budget en kwaliteitseisen (zoals eindrapportages of klantbeoordelingen).
- Een overzicht van risicoanalyses en leerpunten uit eerdere projecten.

d. Veiligheids- en Arbo-eisen

- Vca-certificaat of gelijkwaardig bewijs van een actief veiligheidsmanagementsysteem.

e. Overige eisen

- Verklaring van onafhankelijkheid en integriteit (geen belangenverstrengeling).
- Uittreksel uit het handelsregister (KvK), niet ouder dan drie maanden.

4. Aanmelding

Geïnteresseerde partijen kunnen zich **uiterlijk op 12 mei 2025** aanmelden via **fcb@fcbinfo.org** onder bijvoeging van bovengenoemde documenten. Onvolledige inzendingen worden niet in behandeling genomen.

5. Vervoltraject

Op basis van de voorselectie worden geselecteerde partijen eind mei uitgenodigd voor deelname aan de aanbestedingsfase en het indienen van een inschrijving.

6. Vragen en contact

Voor nadere informatie kunt u contact opnemen met de heer Kelvin Reigina via telefoonnummer **717-8042** of per e-mail via **kelvin@fcbinfo.org**

Fundashon Cas Bonairiano hecht waarde aan een transparante, eerlijke en zorgvuldige aanbestedingsprocedure, met gelijke kansen voor alle marktpartijen.

Durante Festival Kanto Krioyo

Kampaña di registrashon “Kultura ta mi” tabata un éksito

KRALENDIJK – di artista i kulturista na Boneiru. Durante e Festival di Kanto Krioyo ku a tuma lugá di 9 te ku 12 di april na Stadion Antonio Trenidad, OLB/SKAL a lansa ku éksito e kampaña piloto di registrashon “Kultura ta mi”. E kampaña akí ta enfoká riba registrá tur hende ku ta envolví ku arte i kultura, pa nan por forma un base di dato aktual

di artista i kulturista na Boneiru. Durante e dianan di e festival a logra registrá mas ku 40 hende den apénas dos dia. A sera e 4 dianan ku sigur 55 registrashon i tur dia tin mas hende ta sigui registrá. E grupo di kolaboradó ku tabata na stadion a traha ku dedikashon pa informá i motivá partisipantenan di

e festival pa registrá nan mes.

Na total a distribuí 100 foyeto, a regalá 65 flanèl (inklusivo 15 pa mucha) i 50 yabero ku logo di “Kultura ta mi” na finalista i otro partisipantenan di e festival. Tur hende ku a registrá a risibí un flanèl komo muestra di apresio i pa nan tambe sinti ku di bèrdat nan ta forma nos kultura.

Un danki ta bai na Komishon Kanto Krioyo Rincon ku a kopera en grande ku e promoshon di e kampaña i MC Aïmed Ayoubi a sòru pa durante di e festival e informá ku tin e posibilidat pa registrá. Pa loko ta trata e festival di mucha tur mucha a risibí un flanèl i foyeto pa e artista hóbennan tambe registrá. E petishon a bai pa nan mayornan yuda nan ku e registrashon. Komunitat a kontestá hopi positivo riba e kampaña. Artista i kulturista a ekspresá ku nan ta habrí pa registrashon i tambe ta deseá pa mira kolaborashon i partisipashon den seshon di diskushon, tayer i otro tipo di enkuentro. E registrashon ta un promé paso importante pa konektá i fortalecé e sektor di kultura lokal.

OLB/SKAL ta gradisí tur hende ku a kontribuí den e kampaña akí. Un petishon ta bai na hinter komunitat di arte i kultura pa registrá bo mes pa nos sa ken bo ta pasó ta un parti importante di nos patrimonio kultural!

Pa mas informashon i pa registrá tuma kontakto ku SKAL na number di telefòn +5997175330 òf +5997965677 òf meil signi.bernardina@bonaigov.com.



Partisipashon Seramentu di kaya



Pa motibu di “Simadan di Shon Cain”, dia **27 di april 2025** for di **17:00 or** te ku **18:00 or** e siguiente kayanan ta temporalmente será pa tráfiiko:

- **Bulevar Miguel A. Pourier:** for di Kaya Milon te ku Kaya Commerce
- **Kaya Commerce:** for di Bulevar Miguel A. Pourier te ku Kaya Encarnacion B. Sint Jago
- **Kaya Encarnacion B. Sint Jago:** for di Kaya Kayena te ku Kaya Hasmin
- **Kaya Shoshori:** for di Kaya Encarnacion B. Sint Jago te ku Kaya Sofaya

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo komprehension.

Gezaghebber
J.R.E. Soliano

Sekretario Insular
mr. C.J.L. Frans



SABIDURIA DEN NOS ALEGRIA

Skirbi pa Ruth "Lady Ruth" Vrieswijk-Bergen

E ta recomenda tur cu por skirbi, combersa y hasi pregunta na bo mayornan, bo welonan y of bisawelonan si nan ta na bida ainda cuminsa skirbi. Esey ela hasi y skirbi un obra maestro titula : "Faya Lobi". Tawata su di dos bishita oficial na BNA, nos por corda un crenchi tempo atras ora ela presenta e obra fantastico aki, cu tawata sold out mes ora.

Den un storia cu historia y documentonan y potretnan, e dushi hende aki di nos ruman isla Corsouw pero cu curason arubiano tambe a bin ta skirbi y saca tur locual tawata na su mente, alma y curason di su dushi hendenan, su grandinan, su antepasadonan. Nos ta papiando di drs. Ange Jessurun cu a nace na Corsouw na anja 1954. Ta hopi cos Ange a hasi den su bida y hopi buki relaciona cu nos idioma papiamento ela skirbi cu su aporte activo di anjanan na e formacion y desaroyo cultural den su lenga materno cu atencion special pa e hobennan.

Ange ta e.o. e Mama spiritual di "Arte di palabra"



cu ta competencianan exitoso pa e alumnonan di scolnan secundario. Faya Lobi ta su prome storia di amor, su prome "roman" na e idioma hulandes basa ariba storianan cu a pasa di berdad, recuerdonan y documentonan historico. E storia di su bisawelo chinees cu a biaha den 1865 for di Hong Kong pa Paramaribo Surnam en busca di un mihor bida. Esaki tawata e chispa di candela cu a dune mas sed, pone sinta, puntra, busca, rondia y skirbi e storia bibo aki di su mayornan y antepasadonan cu no a sosode un dos tres, pero a tuma un par di anja.

Recientemente Ange a

bin Aruba atrobe, e biaha aki den luna di April 2025 y a elabora mas ariba su buki Faya Lobi y a comparti di su bishita y participacion interesante na conferencia di lenganan materno na Santiago, e isla principal di Cabo Verde. E publico presente e anochi aki na Biblioteca Nacional cu cooperacion tambe di Mirto Lacle y di DCA, mes por a scucha y wak hopi palabra cu nan ta papia y usa ayanan na Cabo Verde ta wordo papia y usa riba nos islanan ABC. E bunita presentacion literario aki na BNA tawata den cuadro cu Dia internacional di derecho di autor cu ambiente musical di Gian Giel y Johnny Scharbaay.

Danki na Het Nederlands Letterenfonds Caribe, Tante Ange su buki Faya Lobi lo wordo entrega na scolnan di ensenanza secundario aki na Aruba tambe, manera ta e caso na su isla Corsouw y tambe na Surnam a entrega varios buki pa nan biblioteca pa tur por yega na dje pa lesele y na mas lugarnan e buki aki a wordo entrega. Ruby Eckmeyer, Marcia Dirks y Lady Ruth despues a pasa ratonan agradabel cu koffie, broodje en gebak na Bright Bakery den curason di Piedra Plat, combersando y compartiendo topiconan

dushi positivo bunita y interesante Diahuebs atardi prome cu e dia liber di Bierna Santo drs. Ange Jessurun tawata ketobay super happy con su presentacion a bay Diamars dia 15 di April, pasobra e publico a sinti cu cada palabra cu cada expresion di curason, momentonan hopi pret y relajante pa e mentenan cansa di trabao. E "eye contact" cu su publico tawata tremendo, y tawata hopi harimento. Ange Jessurun, un shon di hende muhe spontaan y carismatico.

Diasabra Tante Ange a bay bek cas tranquil, satisfecho cu hopi gradicimento na su humilde pero fuerte curason. Aruba ta stima e gran sra.dama aki, y ta desea Ange tur cos bon den bon salud, alegria

y mas sabiduria ! (Danki tambe na Jhon Freddy di DCA pa saca bunita potret y graba tambe). Lieve Ange, hopi exito cu Faya Lobi y danki pa tur locual Ange a comparti cu nos y regala nos scolnan di ensenanza secundario. Nos cas Aruba y nos curasonnan semper habri pa ricibi Tante Ange !

Danki pa lesa nos relato, un "Bearhug grandi diki gordo" pa tur nos bunita y dushi lectornan !

Ah si ! Last but not least : Danki na Jardin Caribe, lieve Vicky, pa e regalo di e rozanan reparti den e publico ! Lady Ruth como un autor, a aprecia esaki masha hopi mes !

Cu Pascu Grandi, Pascu di Resureccion, un bida nobo pa nos tur!





Aki na Hulanda ta hasi hopi propaganda pa kore outo liber di alkohòl. Tur kaminda riba karetera bo ta mira bòrchi òf lusnan di propaganda ku e mensahe pa bo no kore outo bou di influensia di bibida alkohóliko.

Aki ta yama e kampaña ei ‘BOB’, abreviashon di ‘Bewust Onbeschonken Bestuur’. Pues den un grupitu di hende semper tin un ku no ta bebe i e ora ei e por kore outo bon na tinu. No opstante esaki e no ta sosodé. Especialmente den seno di hóbennan den wikènt. Bibida i droga ta hasi hopi daño den tráfiko. M’a lesa ku un promedio di 600 hende ta pèrdè nan bida pa aña den tráfiko na Hulanda. Un konosí a yega di bisa mi un biá ku el a fada di e komportashon ku yen di regla di gobièrnu hulandes, i ku p’esei el a muda pa Boneiru, pasobra riba e isla aki tin ménos regla i tin tiki

kontròl, òf no ta kontrolá mes. P’esei e ta kore outo ku su Polarnan trankil tras di stür.

Wow!, m’a pensa. Adul-tonan ku ta pensa na un manera irresponsabel asina. Mi a disidí pa no bisa e persona aki nada. Pero m’a bisa den mi mes: “Mi ta spera ku un dia bo ta resultá ku bo outo den laman, pasobra e ora ei lo bo bai papia otro den bo delirio di alkohòl.” Òfin, mi mes aki no mester hasi manera ku mi ta mas santu ku Papa di Roma, pasobra mi tambe ta bebe alkohòl, pero ta sòru pa mi tin un bòter òf glas di awa pa spula e alkohòl den mi kurpa. I mi ta bebe semper 1 òf 2 glas so, pasobra mi bòdi no por asina bon kontra alkohòl. Si mi bebe di mas mi ta bai hasi ko’i bobo. Mi ta kòrda un biá ku mi tabata di bishita serka Gabichi i Noortje na Breda. Mi tabata hopi yòn naturalmente

Kandal pa alkohòl – lei urgente!

e tempu ei. Mi tin normalmente e mal kustumber di bebe tur kos bruhá. Nan a atvertí mi pa esaki, pa motibu ku tabata friu i e ora ei bo por bira fuma mas lihé. Pero mi no a tuma nan konseho na serio i a bebe kòktel, serbes i kola. Promé ku mi a realisá m’a kuminsá ta balia na manera straño den un restaurant. Mi a pèrdè mi mes kompletamente. I tur hende na harimentu. Danki Dios no tabatin telefon selular pa a graba mi. Tabata e promé i delaster biá ku mi a hasi algu asina. Pero tabata un fenomeno bergonsoso. Siguiende dia mi tabatin un bon doló di kabes.

Bon mirá, tabata aki na Hulanda, den mi tempu komo studiante, ku m’a kuminsá ta bebe alkohòl. Hasi ko’i loko den wikènt na Amsterdam, Utrecht i Groningen. Pa despues banda di 5or di mainta kana a lo largu di e famoso ‘gracht’-nan bon betrá direkshon di kas. Nos fiestanan di studiante den e kompleho di studiante na unda m’a biba por konta hopi di loke tur asina m’a hasi i

no a hasi. Hahahaha... Ta solamente un biá den bo bida bo ta studiante i nos a gosa dje temporada ei.

No tabatin mayor pa kontrolá loke nos tabata hasi, pero nos tabata hasi nos bèst de bes en kuando, pasobra bo tabata haña un beka pa studia durante 4 òf 6 aña. For di Den Haag nos tabatin un ‘creulla de vil’, manera nos tabata yam’é, esta un mèntòr, ku tabata tira bista riba nos, pero solamente riba nos avansenan den estudio. Ora bo ta yòn bo no ta pensa nunca riba e konsekuensianan di alkohòl den tráfiko. Ademas e tempu ei no tabatin asina tantu propaganda pa atvertí pa e problema aki.

Pero awor sí por ripará ku e situashon ta saliendo totalmente for di man na Boneiru pa loke ta trata korementu bou di influensia di alkohòl. Tur siman nan ta dilanti hues. Asta direktornan di instansia i kompania. Mi mes a yega di bira víktima di e fenómeno aki. Lástima mi no ta mira niun propaganda na televishon òf na



establesimentunan di hóreka òf bòrchi kantu di kaminda pa purba stòp e fenómeno aki. I FIVE 0 kasi no ta kontrolá. Si nan mester kontrolá lo por yena kaha di gobièrnu. Lo ta un bon idea pa kambia lei. Konseho Insular por hasi esaki. Nan por bini ku un lei pa laga pone kandal di alkohòl den outo di tur hende ku a yega di aparesé dilanti hues pa e echo kastigabel aki. E ta kosta plaka, pero e ora ei a lo ménos bo ta hasi algu kontra e fenómeno aki. I oumentá e but pa 500 dòler i kita reibeweis pa 6 te 10 luna. Tambe bini ku un kurso obligá na Alcohol Anonymus Bonaire. E no ta eksistí, pero por lanta un organisashon asina. Den e kurso ei bo ta konfrontá e hendenan aki ku kiko korementu bou di influensia di alkohòl ta hasi.

Mi ta kere ku si bini ku e medidanan aki, e fenómeno aki lo bira ménos. Si bo ke sigui bebe tòg, e ora ei buska un BOB òf pidi un taksi. Hasi nos kareteranan seif.

MONCHI & TONCHI

Tonchi, mi tin ku wak bon kon pa papia ku bo. No por usa palabra zomar..

Awèl sí, Rutje ta pará kla pa pone nos den Papiamentutu. Nos tin ku wak nos kaya..



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcedencia

Redakshon
Papi Antoin
Edson Pietersz

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

Bakuna kontra keintura hel

Ora ta biaha pa paisnan di riesgo

WILLEMSTAD – Organisashon Mundial di Salú (WHO) i Organisashon Panamerikano di Salú (PAHO) resientemente a emití un alerta pa un oumento di kasonan konfirmá di keintura hel den sierto paisnan den e region di Suramérica.

Tambe a nota

un kambio den e distribushon geográfiko di e enfermedat.

Lugánan ku no a tabata tin kasonan di keintura hel, ta mirando kasonan di keintura hel pa promé biaha, por ehèmpel na estado di São Paulo, Brasil, i departamento di Tolima, Colombia.

Resientemente

Gobièrnu na Colombia a deklará estado di emergensia na nivel nashonal, pa motibu di oumento di kasonan di keintura hel.

Keintura hel ta un malesa infeksioso ku ta keda transmití dor di sangura. Un promedio di 10% di personanan ku keda kontagiá, ta fayesé a

konsekuensia di e malesa aki. No tin tratamentu pa keintura hel, pero si tin un bakuna efektivu ku ta duna protekshon.

Ministerio di Salubridat di Kòrsou kier rekordá tur persona ku ta bai di biahe pa un pais di riesgo òf un pais ku tin kasonan di keintura hel, pa bakuná mínimo 10 dia promé ku e fecha di biahe na Salubridat Públiko di Kòrsou (antes GGD), na Piscaderaweg # 49 (Zakito). Mester traha un sita pa bakunashon kontra keintura hel.

Pa planiá un sita òf pa mas informashon:

Por yama Salubridat Públiko na e siguiente numbernan:

+5999 432-2860

+5999 514-2860

(WhatsApp tambe)

Paisnan di riesgo pa keintura hel:

Region di Amérika i Karibe: Argentina, Bolivia, Brasil, Colombia, Ecuador, Guyana, Guyana Franses, Panama, Paraguay, Perú, Sürnam, Trinidad & Tobago i Venezuela.

Region di Afrika:

Angola, Benin, Burkina Faso, Burundi, Cameroon, Chad, Congo, Etiopia, Gabon, Gambia, Ghana, Guinea, Guinea-Bissau, Guinea Equatorial, Kenya, Kosta di Marfil (Ivoorkust), Liberia, Mali, Mauritania, Niger, Nigeria, Senegal, Repùblika Afrika Sentral, Repùblika Demokrátiko di Congo, Sierra Leone, Sudan, Sur Sudan, Togo i Uganda.

Hòmber alkansá pa tiru a fayesé

WILLEMSTAD - Djadumingu 20 di april 2025 polis a risibí informashon ku e hòmer víktima ku tabata enbolbí den e insidente na Kaya Adagio dia 18 di april 2025 a fayesé a konsekuensia di e herida ku el a sufri.

Esaki despues ku el a keda alkansá pa un tiru for di su propio arma di kandela.

Ta trata di e hòmer Beniamino Gerard Schotborg, nasé na Kòrsou dia 28 di òktober 1953



WILLEMSTAD- Polis ta kanselá e a búskeda ku a pidi di e hóben Cesar Curiel, nasé na Kòrsou di 17 aña di edat. Djadumingu

20 di april 2025, alrededor di 17.00'or e hóben aki a sali su kas den Blue Bay sin regresá. Mientrastantu ya ta na haltura di su paradero.

DEPORTE

Resultado 'Obstacle' Run dia 13 di april

Damas 16/19

Vienne

Abigail

Kabayeros 16/19

Nathan

Joshua

Damas 20/29

Susan

Sophia

Melisa

Hòmber 20/29

Berry

Etisien

Tom

Damas 30/39

Demi

Celine

Noortje

Kabayero 30/39

Berry

Guus

Ted

Damas 40/49

Overall

Anyerson mucha
hòmber

Phinou mucha muhé

Berry

Demi

Parttisipantenan

Obstacle

Berry

Coffe #1

Etisien #33

Angerson #251

Tom #28

Guus #16

Sebastiaan #271

Ted #18

Demi #17

Mariska #270

Susan #24

Richard #19

Hessels #156

Cybrant

Marceline #258

Celine #23

Dwight #2

Diana #10

Noortje #21

Vernon #253

Sophia #14

Steve #42

Vienne #12

Meralnie 13

Jayen 160

Jennifer 16

Wesley 158

Inge 275

Karlin 274

Melisa 43

Mohamed 32

Laura 22

Carlos 159

Rinus 252

Nathan 77

Lola 25

Chantal 20

Jessica 27

Vincent 30

Max 26

Aniek 15

Abigail 78

Joshua 257



Partisipashon

Seramentu di kaya



Pa motibu di "Antesala Dia di Rincon" i "Ban Topa Dia di Rincon", dia 29 di april 2025 for di 16:00 or te ku 24:00 or e siguiente kayanan ta temporalmente será pa tráfico:

- **Bulevar Miguel A. Pourier:** for di Kaya Encarnacion B. Sint Jago te ku Kaya Commerce
- **Kaya Commerce:** for di Bulevar Miguel A. Pourier te ku Kaya Encarnacion B. Sint Jago
- **Kaya Encarnacion B. Sint Jago:** for di Kaya Commerce te ku Kaya Leucadio M. Pourier
- **Kaya C.D. Crestian:** for di Kaya Commerce te ku Kaya Leucadio M. Pourier
- **Kaya Leucadio M. Pourier:** for di Bulevar Miguel A. Pourier te ku Kaya Encarnacion B. Sint Jago

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber
J.R.E. Soliano

Sekretario Insular
mr. C.J.L. Frans



DEPORTE

Apertura Baseball on the Corals of Bonaire

K R A L E N D I J K — Djamars 22 di aprel a tuma lugá apertura oficial di e torneo Baseball on the Corals of Bonaire. Hopi mucha tabata presente, formando parti di e timnan ku ta den e torneo. Brasbènt The Boyz a presentá na komienso i klousura di e parti oficial. Diputado Clark Abraham a papia na e okashon, promé ku e weganan a kuminsá. "Bunita mira e deportistanan di islanan



Den Torneo Internashonal di Bolas Criollas na Aruba

Orco Bank Bonaire ta sostené talento lokal

KRALENDIJK -- Orco Bank Bonaire ta sumamente orguyoso di por spònsor Bo Kuenta Kids Bolas Team durante nan partisipashon den e Torneo Internashonal di Bolas Criollas na Aruba, ku lo tuma lugá di 1 te ku 4 di mei 2025.

E tim ta konsistí di 8 mucha talentoso ku dos coach dediká, ku a risibí un invitashon oficial pa partisipá na e evento regional prestigioso aki.

Nan lo sali Boneiru dia 30 di aprel, ku speransa pa bolbe kas bèk ku e título di viktoria dia 5 di mei. Ku e yudansa di Orco Bank, e grupo por kubri gastu di biahe i partisipashon, pa nan por konsentrá 100% riba nan meta deportivo.

"Na Orco Bank nos tin un gran compromiso ku empoderá nos hubentut i

torneo. Brasbènt The Boyz a presentá na komienso i klousura di e parti oficial. Diputado Clark Abraham a papia na e okashon, promé ku e weganan a kuminsá. "Bunita mira e deportistanan di islanan

sostené iniciativa ku ta stimulá karakter, trabou den grupo i orguyo pa nos isla i nos komunidad," segun Judy Diaz, Country Manager di Orco Bank Boneiru. "Nos ta honrá di por yuda e mucha talentoso aki pa representá Boneiru i sigui nan pashon na un nivel internashonal."

E partisipashon den Torneo Internashonal di Bolas Criollas na Aruba ta duna e atletenan un oportunidat pa kompetí na un nivel mas haltu i promové kultura i deporte di Boneiru internashonalmente. Evento manera esaki ta esensial pa desaroyo di hubentut, i Orco Bank ta sigui apoyá e generashon di mañan pa medio di sponsership i kolaborashon ku nos komunidad.



Aruba, Boneiru i Kòrsou huntu. Nos ta ruman i ta bunita mira esaki. Mira e muchanan yen di alegria kontentu ku otro i un bes aki nan ta riba vèlt. Sigur bunita pa mira. Nan meresé un aplouso, tambe e coachnan i esnan ku ta hasi e aktividat aki posibel i dimes e mayornan. Felis atardi i hasi tur ku tin pa yega na final.

Carine Thielman representante di Fundashon Wega di Number Boneiru a deseá muchanan i mayornan éksito ku e weganan e dianan aki, tantu Aruba, Kòrsou i Boneiru.

Marionela Josephia a bisa: "Di nos parti nos ta hopi kontentu pa organisá esaki pa di 2 biaha. Nos ta kere den e hóbennan i organisadónan. Nos ta

kontentu ku e iniciativa, kaminda ta trese e islanan huntu. Ta trata di un union di e islanan ABC."

Representante di INDEBON tambe a

gradisí tur presente i deseá u muchanan éksito ku e weganan. Representante di wolfpack a papia i despues a sigui ku sakamentu di e promé bala.



INDEBON

Beach Tennis
Rugby
Softball
Frisbee
Aquatics - Swimming
Bolas Criollas
Pickleball
Bilyart
Tirabon
Volley
Sailing
Tennis
Xtreme Biking
Comcabon

Obstacle Run
Beach Tennis tournament 2025 international Sportsweek
ABC Island Series - Bonaire Sevens
Girls Fastpitch Softball Bash
Ultimate Frisbee Clinics
Zwemvierdaagse Bonaire
Siman internashonal di Deporte
BISW Pickleball tournament
Dutch Caribbean Championship
Torneo di Tiramentu BISW
Volleyball Bonaire International Sportsweek
Sunfish, Optimist, ILCA Races
BLTB Beachtennis Clinic
BISW Mountainbike Race
Kareda di Pia Rincon

13 & 27 April
18, 19 & 20 April
19 April
18, 19 & 20 April
20, 27 April
21 t/m 25 April
24, 25 & 26 April
26 April
4, 5, 6 April
26, 27 April
26, 27 April
20 April
13 April
27 April
30 April

Sporthal G. Nicolaas
Beach Park Rudy Boezem
Stadion Playa
Jossy Boekhoudt
Rudy Boezem
Parke Tului
Gold Finch
Sporthal
Sporthal
Locatie Tirabon
Rudy Boezem
Kas di Regatta
Rudy Boezem
Pos. Jato Baco
Stadion Playa

DEPORTE

Federashonnan di Basket di Caribe Hulandes ta firma:

Karta di Intenshon pa Forsalesé Kolaborashon Regional

KRALENDIJK — Den un paso historiko pa fortalés e futuro di basket na e islanan di Karibe Hulandes, e federashonnan di basket di Aruba, Bonaire, St. Eustatius, Sint Maarten i entidat públiko di Saba a firma un Karta di Intenshon (Letter of Intent, LOI) ku ta komprometé pa mas kolaborashon i desaroyo komun den e deporte riba e islanan. Nederlandse Basketball Bond (NBB) formalmente ta rekonosé den un ròl suplementario komo koordinator. Un representante di Fundashon pa Deporte i Desaroyo di Kòrsou (FDDK) tabata presente komo un partido oyente na nòmber di Kòrsou.

E LOI, firmá riba 13 di aprel, ta pone e base pa komunikashon intensifiká, desaroyo di hungadó- i entrenadó, interkambio di konosementu, i posibilidat pa programa komun den basketbòl di mucha, 3x3 i 5x5, arbitrahe i struktura di kompetensia. Aunke e

akuerso no ta legalmente mará, e ta un indikashon kla di un ambishon komun pa hiba e nivel i visibilidat di basket na un punto mas haltu den e region.

E akuerdo historiko aki ta sigui un seri di akshonnan komun eksitoso ku ya ta pone e movimentu riba su kaminda. Entre e aktividatnan:

Evento di Basket “Weganan Interinsular”: A tene esaki siman pasá na Bonaire, e torneo interinsular aki a reuní hóben atletanan di tur isla/teritorio Hulandes Karibeño. Aparte di kompetensia, e evento a yega pa krea laso di amistad i interkambio kultural. E evento a risibí hopi loke positivamente pa su espíritu inklusivo i talento lokal ku a bria fuerte. Kursu di Desaroyo pa Árbitronan duna pa NBB: Den un paso grandi pa regla i uniformidat den arbitrahe, NBB a duna un curso especialisa pa árbitronan, asistí pa representantenan di kada federashon partisipante.

E kurso a enfoká riba konsistensia den regla, desaroyo profeshonal, i aliniashon ku práktikanan internashonal.

Kurso di Fast Break pa Entrenadornan, duna pa NBB: Den 2024, 95 entrenadó di basketbòl pa mucha for di tur 6 islanan a haya formashon i sertifikashon.

“Nos ta kere den e poder di deporte pa uni i lanta nos komunidat,” segun Eddy Carrillo, presidente interino di Federashon di Basket Bonaire. “E LOI aki ta reflehá no solamente nos vishon komun, sino tambe nos determinashon pa traha mas sabí huntú.”

E ròl di NBB den e iniciativa aki ta sirbi komo un órganu di sosten i koordinashon — ofresiendo guia, rekursanan i fasilitá desaroyo tékniko kaminda ta solisitá. Nan involukrashon ta enfatisá e importansia di un konekshon kontinuo entre e teritorio Karibeño i e ekosistema di basket na Hulanda Europeo.

Mirando dilanti, e

federashonnan tin plan pa bolbe reuní den e próksimo seis luna pa evaluá e progreso i eksplorá programashon formal, inkluso posibel torneo, kampamentu di entrenamentu, i desaroyo kontinuo pa entrenadó, árbitro i administradornan.

Tokante di Nederlandse Basketball Bond (NBB)

NBB ta e organismo ku ta dirigí basketbòl den Hulanda, dediká na stimulá desaroyo, profeshonalismo i partisipashon den tur nivel di e deporte. NBB aktualmente tin proyektonan di desaroyo

di basketbòl na e islanan di Caribe Hulandes.

Tokante di e Federashonnan ku ta Partisipá

E akuerdo aki ta inklui e federashonnan nashonal di basketbòl di Aruba, Bonaire, St. Eustatius, Sint Maarten i entidat públiko di Saba. FDDK (Fundashon pa Deporte i Desaroyo di Kòrsou) tabata presente komo partido oyente na nòmber di Kòrsou, ku ta mira e posibilidat di un futuro partisipashon di Federashon di Basket di Kòrsou den e iniciativa aki



**Yuda nos tene
nos playanan limpi**



www.extraboneiru.com

Elesiër Angel direktora nobo di Tourism Corporation Bonaire

KRALENDIJK – Ku orguyo, Bonaire Holding Maatschappij N.V. (BHM) ta anunsiá ku dia 1 di yanüari 2025, Elesiër ‘Ely’ Angel a keda nombrá komo direktora statuario di Tourism Corporation Bonaire (TCB).

Despues di un proseso di solisitut ekstenso, na fin di 2024, BHM a postulá Ely Angel na su akshonista, Entidat Públiko di Boneiru, komo direktora nobo di TCB. E postulashon akí a tuma lugá despues ku e direktor anterior, Miles Mercera, a baha komo tal. Dia 22 di april 2025, Entidat Públiko di Boneiru a aprobá Ely su nombramentu ofisialmente. El a ser nombrá pa un periodo di sinku aña komo direktora statuario di TCB. Ku e nombramentu akí, BHM

ta reiterá su kompromiso pa ku e importansia di un selekshon kuidadoso i bon maneho.

Trayectoria

Ely Angel a nase i lanta na Boneiru. For di un edat hóben, e tin un laso fuerte tantu ku e isla akí komo ku turismo. El a kuminsá traha den sektor turístiko for di su 12 aña.

Despues, el a haña su diploma di master den Tourism Destination Management na universidat di Breda, Hulanda. E estudio akí a dun’é e konosementu i preparashon nesesario pa funshoná den e sektor di turismo internashonal aktual. Ely ta traha na TCB for di 2021. Ei, el a hunga un ròl importante den desaroyo di diferente plan i proyektonan ku a kontribuí na kresementu

di turismo na Boneiru. El a kolaborá estrechamente ku e tim pa fortifiká imágen di nos isla. Su nombramentu komo direktora ta garantisá kontinuidat i ta konektá bon ku e trabounan realisá bou di maneho di Miles Mercera.

Adely Susana-Jansen, direktora di BHM, a komentá: ‘Ta un honor di por konfia un talento lokal hóben manera Ely ku maneho di TCB. Mi por a mira kon el a krese den e tim durante e último kuater añanan. E ta un persona dediká ku konosé Boneiru manera su plant’i man, i un inovadó ku ta sinti un kompromiso fuerte ku turismo sostenibel. Mi ta konvensí ku huntu ku e tim di TCB, Ely ta bai alsa nivel di turismo na Boneiru.’ Komo direktora, Ely lo

sigui desaroyá Boneiru komo un destinashon turístiko sostenibel i atraktivo, trahando den kolaborashon estrecho ku e komunidad lokal. BHM

tin pleno konfiansa ku bou di su maneho, sektor turístiko lo sigui krese na un manera ku ta kuadra bon ku e identidat úniko di Boneiru.



\$95

Two Door Multi Use closet



\$495

Wardrobe With Sliding Doors



CityShop
Smart shopping ▶ Better living

LUNA DI
RINCON




Teak Queen Bed

\$875



Dresser 4 Drawers
Available in Black & White

\$145



\$95

End Table



Arm Chair

\$319